

Կ Ա Ր Գ

ՀԻՂԻՆՈՒԹՅԱՆ ԿՐԹԱԲԱՆԱԿԱՆ ՏԵՂԵԿԱՏՎՈՒԹՅՈՒՆ  
ԱՐՏԱԴՐՈՂ ԱՆՁԱՆՑ ՊԵՏԱԿԱՆ ՌԵՏԵՍՐԻ ՎԱՐՄԱՆ,  
ՀԻՂԻՆՈՒԹՅԱՆ ԿՐԹԱԲԱՆԱԿԱՆ ՏԵՂԵԿԱՏՎՈՒԹՅՈՒՆ  
ԱՐՏԱԴՐՈՂ ԱՆՁԱՆՑ, ՆՐԱՆՑ ԿԱՏԱՐԱԾ ԱՇԽԱՏԱՆՔՆԵՐԻ  
ՈՒ ՄԱՏՈՒՑԱԾ ԾԱՌԱՅՈՒԹՅՈՒՆՆԵՐԻ, ԻՆՉՊԵՍ ՆԱԵՎ  
ՀԻՂԻՆՈՒԹՅԱՆ ԿՐԹԱԲԱՆԱԿԱՆ ԵՐԵՎՈՒՅԹՆԵՐԻ ԵՎ  
ՊՐՈՑԵՍՆԵՐԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅՈՒՆԸ  
ՊԵՏԱԿԱՆ ՌԵՏԵՍՐՈՒՄ ՆԵՐԱՌԵԼՈՒ

1. Սույն կարգով կարգավորվում են հիդրոոդերևութաբանական տեղեկատվություն արտադրող անձանց (այսուհետ՝ տեղեկատվություն արտադրողներ) պետական ռեեստրի (այսուհետ՝ պետական ռեեստր) վարման, հիդրոոդերևութաբանական տեղեկատվություն արտադրող անձանց, նրանց կատարած աշխատանքների ու մատուցած ծառայությունների, ինչպես նաև հիդրոոդերևութաբանական երևույթների և պրոցեսների վերաբերյալ տեղեկատվությունը պետական ռեեստրում ներառելու կարգի հետ կապված հարաբերությունները: Սույն կարգում կիրառվող հասկացությունները համապատասխանում են «Հիդրոոդերևութաբանական գործունեության մասին» օրենքով (այսուհետ՝ օրենք) սահմանված հասկացությունների բովանդակություններին:

2. Տեղեկատվություն արտադրողները, որոնք չեն մտնում պետական հիդրոոդերևութաբանական ծառայության մեջ, հաշվառվում են պետական ռեեստրում և ճանաչվում որպես տեղեկատվություն արտադրողներ պետական ռեեստրում հաշվառվելուց հետո:

3. Պետական ռեեստրի վարումն իրականացվում է հիդրոոդերևութաբանության բնագավառում լիազորված պետական կառավարման մարմնի (այսուհետ՝ լիազորված մարմին) կողմից՝ համաձայն N 1 ձևի: Լիազորված մարմնի ղեկավարը նշանակում է

պատասխանատու ստորաբաժանում (այսուհետ՝ ստորաբաժանում)՝ ռեեստրը թղթային կամ էլեկտրոնային տարբերակով կազմելու և վարելու համար:

4. Պետական ռեեստրը հասանելի է լիազորված մարմնի պաշտոնական կայքում:

5. Տեղեկատվություն արտադրողները պետական ռեեստրում ընդգրկվելու համար գրավոր դիմում են ներկայացնում լիազորված մարմին՝ հիդրոոդերևութաբանական երևույթների և պրոցեսների վերաբերյալ տեղեկատվության արտադրությունը սկսելու և դադարեցնելու կամ առանձին աշխատանքներ կատարելու և հիդրոոդերևութաբանական գործունեության այդ տեսակը կազմող ծառայությունների մատուցման մասին՝ կցելով հետևյալ տեղեկությունները՝

1) իրավաբանական անձանց դեպքում՝ իրավաբանական անձի լրիվ անվանումը, պետական գրանցման համարը, տարեթիվը, ամիսը և ամսաթիվը, գտնվելու վայրը, հեռախոսահամարը և էլեկտրոնային փոստի հասցեն.

2) ֆիզիկական անձանց դեպքում՝ անունը, ազգանունը, անձնագրային տվյալները կամ նույնականացման քարտի համարը, բնակության վայրը, հաշվառման վայրը (եթե չի համընկնում բնակության վայրի հետ), հեռախոսահամարը, էլեկտրոնային փոստի հասցեն, իսկ ֆիզիկական անձ հանդիսացող անհատ ձեռնարկատիրոջ դեպքում՝ նաև անհատ ձեռնարկատիրոջ պետական հաշվառման համարը, պետական հաշվառման տարեթիվը, ամիսը և ամսաթիվը, հաշվառման վկայականի տվյալները, հարկ վճարողի հաշվառման համարը.

3) հիդրոոդերևութաբանական տեղեկատվության արտադրությունը կազմող աշխատանքների և մատուցվող ծառայությունների ցանկը.

4) հիդրոոդերևութաբանական տեղեկատվության արտադրությունը կազմող աշխատանքների կատարման և ծառայությունների մատուցման սկզբի և դադարեցման ամսաթվերը.

5) հիդրոոդերևութաբանական դիտարկումների կետերի ցանկը, հասցեները (գտնվելու վայրը), հիդրոոդերևութաբանական դիտարկումների կետերի գտնվելու վայրի բնութագրերը.

6) տեղեկատվության արտադրության համար օգտագործվող սարքերի և սարքավորումների տեխնիկական անձնագրի պատճենները, համապատասխանության հավաստագրերը.

7) հիդրոօդերևութաբանական դիտարկումների արդյունքում ստացված տվյալների փոխանցման եղանակները.

8) հիդրոօդերևութաբանական գործունեության բնագավառում հիդրոօդերևութաբանական տեղեկատվության արտադրությունը կազմող աշխատանքներ կատարող կամ ծառայություններ մատուցող աշխատողների որակավորման վերաբերյալ տեղեկությունները.

9) դիմող ֆիզիկական անձի ստորագրությունը կամ դիմող իրավաբանական անձի գործադիր մարմնի ղեկավարի կամ լիազորված անձի ստորագրությունը:

6. Ստորաբաժանումը հինգ աշխատանքային օրվա ընթացքում ուսումնասիրում է սույն կարգի 5-րդ կետով նախատեսված տեղեկությունների ամբողջականությունը և լիազորված մարմնի ստեղծած հանձնաժողովի դրական եզրակացության հիման վրա գրանցում պետական ռեեստրում՝ այդ մասին երկու աշխատանքային օրվա ընթացքում պատշաճ ծանուցելով տեղեկատվություն արտադրողին, իսկ թերություններ հայտնաբերելու դեպքում՝ սույն կետում նշված ժամկետում պատշաճ ծանուցում է փաստաթղթերը ներկայացնողին՝ հայտնաբերված թերությունները շտկելու և փաստաթղթերը կրկին ներկայացնելու համար:

7. Հանձնաժողովի կազմում ընդգրկվում են օրենքի 12-րդ հոդվածի 1-ին մասի «ա» ենթակետով սահմանված մարմնի հիդրոլոգիական, օդերևութաբանական, հեռահաղորդակցության և հիդրոօդերևութաբանական տվյալների կառավարման ծառայության, ինչպես նաև լիազորված մարմնի համապատասխան աշխատակիցներ:

8. Լիազորված մարմինը հանձնաժողովի եզրակացության հիման վրա, սույն կարգի 5-րդ կետի պահանջները չբավարարելու դեպքում մերժում է տեղեկատվություն արտադրողին պետական գրանցամատյանում ընդգրկելը՝ հինգ աշխատանքային օրվա ընթացքում ծանուցելով պատճառաբանված մերժման և մերժումը բողոքարկելու ժամկետների մասին:

9. Պետական գրանցամատյանում ընդգրկված տեղեկատվություն արտադրողին տրվում է պետական ռեեստրում ընդգրկվելու մասին վկայական (այսուհետ՝ վկայական)՝ համաձայն N 2 ձևի:

10. Վկայականի գործողության ժամկետը որոշվում է հիդրոօդերևութաբանական տեղեկատվության արտադրությունը սկսելու և դադարեցնելու կամ առանձին աշխատանքների կատարման և հիդրոօդերևութաբանական գործունեության այդ տեսակը կազմող ծառայությունների մատուցման վերաբերյալ տեղեկությունների հիման վրա, որոնք տրամադրել է տեղեկատվություն արտադրողը:

11. Պետական ռեեստրում փոփոխությունների և լրացումների կատարումն իրականացվում է սույն կարգի 5-րդ և 6-րդ կետերին համապատասխան: Վկայականում նշված տեղեկությունները փոփոխելիս տրվում է նոր վկայական:

12. Տեղեկատվություն արտադրողները լիազորված մարմնի կողմից սահմանված կարգի համաձայն հիդրոօդերևութաբանական երևույթների և պրոցեսների մասին ընդհանուր նշանակության և հույժ կարևոր տեղեկատվությունն անհատույց տրամադրում են լիազորված մարմնին՝ Համաշխարհային օդերևութաբանական կազմակերպության կողմից նախատեսված ձևաչափով, որը գրանցվում է պետական ռեեստրում և օգտագործվում հիդրոօդերևութաբանական երևույթների մասին տվյալների՝ Հայաստանի Հանրապետության միասնական պետական ֆոնդի ձևավորման համար:

13. Իրավաբանական անձի վերակազմակերպման արդյունքում ռեեստրավարը պետական ռեեստրում կատարում է գրառում՝ հիմք ընդունելով վերակազմակերպված իրավաբանական անձի պետական գրանցման համարը, կանոնադրությունը և փոխանցման ակտը:

14. Տեղեկատվություն արտադրողները հաշվառումից հանվում են լիազորված մարմնի կողմից գրավոր ծանուցման միջոցով՝ նշելով հիմքերը:

15. Տեղեկատվություն արտադրողը պետական ռեեստրից ենթակա է հեռացման հետևյալ դեպքերում՝

- 1) տեղեկատվություն արտադրողի գործունեության դադարման դեպքում.

2) տեղեկատվության արտադրության կամ առանձին աշխատանքների կատարման և հիդրոօդերևութաբանական գործունեության այդ տեսակը կազմող ծառայությունների մատուցման դադարեցման դեպքում.

3) վկայականի ժամկետը լրանալու դեպքում.

4) հիդրոօդերևութաբանական գործունեության բնագավառում նորմատիվ իրավական ակտերի կամ տեխնիկական ակտերի պահանջները խախտելու կամ հիդրոօդերևութաբանական տեղեկատվություն չներկայացնելու դեպքում:

16. Լիազորված մարմինը տեղեկատվություն արտադրողին գրավոր ծանուցում է պետական ռեեստրից հանելու մասին առնվազն հինգ աշխատանքային օր առաջ:

17. Սույն կարգի 5-րդ կետում նշված դիմումի և տեղեկությունների քննարկման, վկայականի տրամադրման և պետական ռեեստրից հանելու համար գումար չի գանձվում:

18. Լիազորված մարմնին տրամադրած տեղեկությունների արժանահավատության համար պատասխանատվություն է կրում տեղեկատվություն արտադրողը:

19. Տեղեկատվություն արտադրողի կողմից տրամադրված տեղեկությունների հետ պետական ռեեստրում ներառված տեղեկությունների համապատասխանության համար պատասխանատվությունը կրում է լիազորված մարմինը:

**ՊԵՏԱԿԱՆ ՌԵԵՍՐ****ՀԻՂԻՈՑԻՆԵՐԵՎՈՒԹԱԲԱՆԱԿԱՆ ԵՐԵՎՈՒՅԹՆԵՐԻ ԵՎ ՊՐՈՑԵՄՆԵՐԻ  
ՎԵՐԱԲԵՐՅԱԼ ՏԵՂԵԿԱՏՎՈՒԹՅՈՒՆ ԱՐՏԱԴՐՈՂՆԵՐԻ**

NN ը/կ	Տեղեկատվություն արտադրողի պետական ռեեստրում հաշվառվելու ամիս, ամսաթիվ	Տեղեկություններ տեղեկատվություն արտադրողի մասին	Տեղեկատվություն արտադրողի գործունեության (աշխատանքների կատարման ն/կամ ծառայությունների մատուցման) ցանկ	Տեղեկատվու- թյուն արտադրողի գործունեության սկիզբ (ամիս, ամսաթիվ, տարեթիվ)	Տեղեկատվու- թյուն արտադրողի գործունեության ավարտ (ամիս, ամսաթիվ, տարեթիվ)	Այլ
1	2	3	4	5	6	7



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՇՐՋԱԿԱ ՄԻՋԱԿԱՅՐԻ  
ՆԱԽԱՐԱՐՈՒԹՅՈՒՆ

ՀԻՂՐՈՕՒԵՐԵՎՈՒԹՎԱԲԱՆԱԿԱՆ ԵՐԵՎՈՒՑԹՆԵՐԻ ԵՎ  
ՊՐՈՑԵՍՆԵՐԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅՈՒՆ ԱՐՏԱԴՐՈՂ  
ԱՆՁԱՆՑ ՊԵՏԱԿԱՆ ՌԵՆՏՏՐՈՒՄ ՀԱՇՎԱՌԵԼՈՒ

**ՎԿԱՑԱԿԱՆ** N \_\_\_\_\_

\_\_\_\_\_ (ֆիզիկական անձի դեպքում՝ անունը, հայրանունը (առկայության դեպքում), ազգանունը, հաշվառման կամ բնակության վայրը)

\_\_\_\_\_ (իրավաբանական անձի դեպքում՝ լրիվ անվանումը և գտնվելու վայրը)

\_\_\_\_\_ (Պետական ռենտորում ընդգրկվելու տարին, ամիսը, ամսաթիվը)

Հաշվառված է հիդրոոդերևութաբանական երևույթների և պրոցեսների վերաբերյալ տեղեկատվություն արտադրողների պետական ռենտորում և իրականացնում է հիդրոոդերևութաբանական տեղեկատվության արտադրություն՝ սույն վկայականի հավելվածում նշված հիդրոոդերևութաբանական տեղեկատվության արտադրությունը կազմող կատարվող աշխատանքների և մատուցվող ծառայությունների ցանկին համապատասխան:

ՆԱԽԱՐԱՐ՝

ԱՆՈՒՆ, ԱԶԳԱՆՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ